

Tico toco tocoto incontlantiuh ticoto ticoto.

Toztli yan quechol nipatlantinemia intlallaicpac oquihuinti yenoyol a hua y yai.

Niquetzaltototl niyecoya yeiquiapan ycelteotl yxochitipac nihueloneuica oo nicuicaihto paquiyenoyol ahuay &.

Xochiatl inpoçontimania yntlallaicpac oquihuintiyenoyol ahua & ninochoquilia niquinotlamati ayac in chan ontlalliepac ahua &.

Çan niqittoaya yeni Mexicatli maniya huiya nohtlatoca tequantepec ni ya hui polihuin chiltepehua aya yechoca intequantepehua ohuaye &.

Maca qualania no hueyo yehua Mexicatli polihui chil &.

Citlalin in po po caya ipanyemoteca yçayepolihua çan yexochitecatl ohuaye &.

Çanyechocaya Amaxtecatl aya cayechocaya tequantepehua.

Toto tiquiti tiquiti icontlantiuh, toco tico tocoti toto titiqui toto titiquiti.

Oyamoquetz huehuetl oon maon netotilo teteuctin aya maonnetlanehuihuilo chalchihuitl onquetzalipatlahauc ayac ychan tlalticpac ayio çan nomac on mania ooo yxochiuh aya ipalnemoa maon netlanehuihuilo chalchihuitl.

Oyohualin colinia o on inicelteotl ipalnemoa anahuac o onnemia noyol ayio.

Y yancuica oncan quixima ipalnemoani cayenonoalco ahuilizapan i inteuctli yehua neçahualpilli y yece yeoncan aya intlacohtenanpan atlixco ayio.

Çan momac otitemic motlahuaçomal a icatic ahuiltia ycelteotl in teuctli yehua &.

Y yeho aye icnotlamatinoyollo çan nino noalcatl çan can nicolintototl o nocamapan aya Mexicatli inca yio.

Onquetzal pipixauhtoc motlachinolxochiuh ynipalnemoa çan canicoli &.

Toco toco tiqui tiqui ic ontlantiuh toco tico tocoti.

Mayapehualo yanicuihua in mayaon cuico yenica an aya oya yecoc ye huan Dios in cayio ymaycaya onahuilihuan tepilhuan a aya mocuic oya yehuan Dios oncantitemoc yehuan Dios a oncan huelin on cantlacat y ye Jesu chro. incayio.

Ynon can tlahuizcalli milintimani mochan aya moxochiuhaya Dios aya chalchihueponi maquitzetzelihi onnetlamachtilya incayio ynoncan yao nepapan iz huayo moxochiuh aya Dios a &.

Çan yexochitl moyahua oo çancaytlatol ynipalnemoani oontepan yemoteca anahuac oo ycatie huel mana atlon yantepetl ayio.

Çan temomac mania cemilhuatl in niman yetehuatl toconyaittoa ya ypalnemoani.

YCUIC AXAYACATZIN YTZCOATL MEXICOTLATOHUANI.

Coto tocoti tocoti cototi coto tocoti coto tocoti &.

Can nicantemoc yxochimiquiztli tlalpan aciyehua yenican intlapalla quichihuan tonahuac onoque ohuacacan y yanca yio.

Chiquiztlehuatiuh ayahue yece yeoncan nepan netlaçalo ylhuicatl ytici cuica-cho coa ica huiloan quenonamican ohuanca &.

Çan tonilhuicolon teotlatollin ticchiuh aya çan cantimomiquili initech in coloh tetlayocolti teicnotlamachtic ticchiuh ay yio.

Oachanca oquitto intlacatl aya in mahmanatlatzihui ayac quiyocoyan ipalnemoa choquiz ilhuatl in yehuaya y xayoy ilhuatl aya huallaocoya moyoloo tehuatl a in Santa Maria ohuanca &.

Can nel ocpahuitze teteuctin a ohuaye çan iquimonilnamiqui initzcoatl notlayocol o ohuaye itechacia noyol ay yo.

Oachanca ciahua ontlatzihuin Dios yehuaachane ynipalnemoani o ayac tlaquahuac quichihuan tlalticpac ayan can nelpa tonyazque notlayocol ohuaye itechacia noyol &.

Yeonetocoto ohuiloaca intepilhuan in tlatoanime teteuctin ayatechya icnoocauhatehuaque mayan tlayo coxti oantepilhuan ayio.

Machoc hualquinehuaya machoc hualilotihuayan canompa ximoa in cuix otechmati quih in Moteuçomatzin in neçahualcoyotzi totoquihuatzi tech yia ic nocauh tehuazque mayan &.

Canon in nemia noyollo y Naxayaca o çaniquiyatemoa in techcahuaco in teçoçomocotli notlayocol a nocon aya ihtoa yan cayio.

Oanca in mahcehual atl oyantepetl huiya ainoquitquico inteteuctin inconcauhatehuaque o achacoc necehuiz achacoc huitz nechonmatiquih notlayocol aya &.

Y CUIC TLALTECATZIN QUAUHCHINANCO.

Totocoti tocoti tocoti & titocoti titocoti ictlantiuh.

Niepiecon tepetl cana niteloyan xochintlahuiloaya ipalnemoani in co huayotl toncahuililoc yemocha an titlaltecatzi tonayatlatoyan cay io o o ohui y ya.

Çanyeihuan noncuica yehuan noteouh in Dios i intoaya tlatoyan.

Yiexochincacahuatl inpocontimania xochi oetli nocoya yeoo noyolqui mati quihuinti yenoyol ayioo huiyonca ancaya anoyolquimati &.

Çanca tlahquechol celiya poçontimania mocquipaxochiuh tinaan oo hue licacihuatl cacahua izquixochitl çantonnetlanehuilo ticahualoh tiyah o xima aznican ayio.

Cantiye coc yenican imixpano teteuctin aya timahuiztlachi hualla mone quetzca noxiuhtoz quetzalpetlapan tonihcaca çanton netlanehuilo ticahualoh tiyaah o ximoaz &.

Çan caninentlamata nic yhtoayan aya maca niyahuia ompaxi moayan tlaçotlinoyollon nehua nehua çani cuicanitl teocuitlayo an noxochiuh anca yeoo ohya iya, çan niquiya cahuaya niquitta nocha xochimamania mach veynchalehihuitl o quetzallinpatlahuac machnopatiuh oo ica ninoquixtiz quemaniya anca-caniaz nipolihuitiuh ay ioo ohuiya.

Aoyani nacahuaya noteouh ynipalnemoani nic yhtoa maniauh y mayaninoquimilo nicuicanitli mayahui maya acatetel machaca caciz yenoyol ayio.

Çan caiuh noyaz xochihuinconticac yenoyoliol onchalchiuhnenelihui maquiztli yatlaçotli yectla mochiuhtoca ahean machiotica tlalticpac y y huia ho ahuiya mayio.

Y TOTOCUIC TOTOQUIHUATZIN TLACOPAN TLATOANI.

tiquiti tiquiti tiquiti

Nietzotzonayan tohuehueuh xahuiaca an nicuihua maihtohuaya aya totototo tiquiti tiquiti xochitl y huelic o maihtoa ichan yn totoquiuhatzi toti qiti toti totototo & tiquiti tiquiti tlalticpac ma a huilihua ohua yye ayao totiquiti toti mantahuiaacan ayio yi ya tiquiti.

Chalchiuhtli noyollo toto & teocuitlatl noxochiuh yeani napanaya in nepapan xochitl inoxochiuh niquit quitehuaz quen manian y yec totiquiti toti tloncuicatl y yo huiya tiquiti &.

Can ocmoyolic a xoncuicaya toto & nican niemanaya poyoma xochitla amox-tla cuilola totiquiti toti nie &.

TEPONAZCUICATL TITOCO TITOCO TITOCOTI.

Tlallaolinia quitzintia yeuic Mexicatlan yeaquin ihtotia quauhtli ocelotl ia yo. Mahualla chiantica ohuexotzincatl y quauhpetlapan a on ayatlatoaya in Mexicatl yeteh tic ytoaya yancayo.

Chiquiuh tepetla nayiahue tiçaxochitla temacoya in quauhtepetl ixpan aya o o chimal ayahuil çà hualmoteca ayio.

Oyohualpan tepoloa in Mexicatl y chichimecatl a ayao chimal ayahuil çan hualmoteca ayo.

Aoyohual ehuya quauhtli ya ocelotl tolchimalticaya tlachixticac yquetzal panitlan moyahuaya ypan mihecali mexicatl aya ho.

Aya ya hoyiye maxiquitta nopan ni Mexicatl y chimalcalco no nicac aya nica aya ayac noc niuhyez intonahuac onoque can tiyanemi catliya in motlatol yeteoatl tlachinolli ipan nitlacat on çan nimexicatl ayo.

Acolihuacan in neçahualcoyotzin moteoauh pohpoçontoc inmotlachinol a mimilintoc popocatoc yeoncan o atl intempan aya.

titoco titoco titocoti.

Yniquetzal a xochiatototl ilhuicol manaya nicuicatl ilhuicac anahuac onemiaya noyollo tlatatempañ anicmoyahua yanoxochiuh ayayca yehua ini huintihua tepilhuan o nequimilolo yayaye yahao.

Nicotlamatia yaye yaha ohua çan nentlamati noyol nicuicanitl chiuenauh atl ipempan xochitlalpan y an ni cuihuan y mayahui yelo ya nequimiloloya onca-ya hueha

Chalchiuhtli ololihuic a nicnozoçatia nicuicanitl yeno macehual a y yehuaya chalchiuhtlinpopoca çannictimaloa cuicatl aya quihuinti yenoyol xochintlalticpac onequimiloloya.

Çan non cuica nentlamati in tlalticpac ayani cuicanitl ohuaye çanniticpa quigaya notlayocol aya cuicatl aya quihuinti yenol xochintepec o nequimiloloya onayahue aya.

Tolteçayotl yemihcuilotehuaz nicuicanitl nocuiyo nemiz a intlalticpac cuicatl ica ynilmamicoz o huanopinohua niaz nipolihuitiuh coz catoz petlac ninotecatiuh chocotiaz nonanan huan yxayotl pixauhtiaz i notomi oloxochio nitepehui cocahuicatl itempan o ha cayahue aya ohuaye.

Ayao aya ohuaye nicotlamatia amopinoa y hui petlacotl ni hui caloni çanin tlapalla poçtlanti huatoç ompa ya noyaz niyaz nipolihuitiuh coçeatozpetlac ninotecatiuh.

